

石刻史料新編

第三輯

(一五)

新文豐出版公司 印行

地方類

四川省

華陽金石志	一卷	民曾鑑修	001
簡州碑目志	不分卷	清陳治安撰	049
簡陽金石續篇	不分卷	民汪金相纂	053
什邡金石篇	一卷	民王文照纂	057
雙流金石志	不分卷	清吳特仁撰	091
金堂金石續志	不分卷	民曾茂林纂	095
灌縣金石志	不分卷	清鄭瑋山纂	105
彭縣金石志	一卷	清龔世瑩纂	119
新津金石志	不分卷	清葉芳模纂	145
龍安金石志	不分卷	清鄧存詠撰	149
彰明金石志	不分卷	清李朝棟纂	155

2047/05

茂州金石附志	不分卷	清劉輔廷撰	1	6	1
緜陽金石志	一卷	民薄殿欽纂	1	6	5
崇慶金石志	一卷	民羅光黼纂	1	9	5
羅江金石志	不分卷	清馬傳業纂	2	0	7
羅江金石志	不分卷	清李桂林纂	2	1	1
巴縣金石志	一卷	民向楚纂	2	3	5
江津金石志	不分卷	民程德音纂	2	8	3
永川碑碣附志	不分卷	清馬慎修纂	2	8	7
涪州碑記目	一卷	清王應元撰	2	9	5
涪州石魚題刻	一卷	清錢保塘撰	3	2	1
涪州石魚文字所見錄	二卷	清姚覲元撰	3	7	1
夔州金石志	一卷	清劉德銓撰	3	9	1
奉節金石志	一卷	清楊德坤纂	4	0	7
雲陽金石志	不分卷	清陳崑撰	4	1	5
開縣金石志	不分卷	清牟泰豐纂	4	1	9
渠縣金石志	一卷	清賈振麟撰	4	2	3
達縣金石志	不分卷	清魯圖輝撰	4	4	1

瀘縣金石志	不分卷	民王祿昌修	597
大邑金石志	不分卷	民鍾毓靈纂	585
大邑金石志	一卷	清趙 霽撰	563
邛州金石志	不分卷	清王來遴撰	559
威遠金石志	不分卷	清吳增輝纂	555
榮縣金石志	一卷	民趙 熙纂	521
榮縣金石志	不分卷	清王培荀撰	517
犍爲金石志	不分卷	清王夢庚撰	513
望都金石志	不分卷	民王德乾纂	505
洪雅金石志	不分卷	清鄧敏修撰	501
洪雅金石志	不分卷	清張 柱撰	495
峨嵋金石續志	不分卷	清朱榮邦纂	491
峨嵋金石志	不分卷	清張希縉撰	487
樂山金石志	不分卷	民黃 銘纂	463
夾江金石志	不分卷	清王 佐撰	459
黔江金石志	不分卷	清陳藩恆纂	451
大竹金石志	不分卷	清劉漢昭撰	445

敘州冢墓附志

一卷

清邱晉成撰

603

民曾 鑑修

華陽金石志

華陽縣志卷三十一

金石第十

金石著錄雅資方志其來舊矣夫鼎彝出於山川豪奪巧取往往碎滅惟坊闕桓表移置較難故歷數千禩而常不施抑有幸焉吾縣太慈寺接引大像舊題李冰者僞也然要是唐前物而文翁禮殿經獻亂乃燬及廣政石經燬焉今之所輯雖仍用託始亦必視海內諸家有藏本者爲斷非鑿空也其他自漢迄明或殘碑或完拓有在縣境者有縣人所藏者抑非縣人而託寓吾縣者瑯然可徵並得入錄蓋古人文字浸久浸微卽非甚瑰異亦自足珍孔子不云乎吾及闕文過而存之匪曰好

華三十一 金石

事世有多聞君子將欲揖歐趙訊錢大昕王昶蒐堅補湮末不亦樂乎此也

大慈寺銅像識

舊題李冰鑄

陽篆在大慈寺今存

永鎮蜀眼

李冰鑄

嘉慶志金石普賢像一尊治東城內大慈寺韋臯再修大慈寺記云唐沙門體源所造儀台天表制侔神工鎔範於寺之東像成功鉅按今無存接引佛銅像一尊治東城內大慈寺接引殿像高二丈許今尙存

王闕運湘綺樓日記張盟孫言蜀石刻有荆南高

大王字又有大慈寺佛像云李冰鑄不知何代僞作其工作甚巨看唐文三本韋臯記言大聖慈

寺金銅普賢像乃大厯初沙門體元造

傳崇築成都通覽古謂省城有海眼二所不能妄動偶有觸犯卽被水災予於省城內之太慈寺後見有古佛像一座身有秦篆四字文曰永鎮蜀眼意海眼卽在佛下也東門外大佛寺亦有海眼東門之太慈寺秦時古刹也寺中接引古佛身邊有秦李冰篆永鎮海眼數字接引佛像一尊高二丈五尺在東門太慈寺

曾國才橋園詩鈔大慈寺銅佛篆拓歌有客示我

華三十一 金石

二

秦篆書云是集古錄所無嶧山磨滅之罽倒此搗銅綠腴不枯帖堂仲紙辨眞贋猶疑墨海無遺珠一行四字又三字分明蜀守留前模離畢未鑿沫流惡人爲魚鼈田江湖二牛戰鬪一牛死內外渠始醜成都東門海眼孔不有神物誰持扶臨洮大人長丈五祖龍未見先窺吾再拜靈壇告上帝乞賜爲助帝曰俞難兜萬里采黃鐵飛廉燦走天地鑪雕犀刻牛小技耳如此力與金剛俱三十六江壓鼎屈祝萬萬世安西隅年深歲久陵谷變埋沒黃土纏榛蕪野人秉犁破塊滯市塵穿井淘沙靡茫茫千載愿塵劫出現乃在中唐初其時韋

臯造大像見之騎象驚文殊金人周秦已降世漢
明妖夢何爲乎大開招提奉香火直以世尊菩薩
呼豈知遺字剩風雨洗剔苔蘚猶完膚岐陽史籀
亦玩寶趺趨趨辭模糊朗然光怪逼眼底舒卷
海氣燔珊瑚想見鳩工殫奇巧張儀城下傾鎔銖
意在捍患溥民利末靖昏墊猶唐虞蒼水使者獻
玉牒岫嶺碑見文命敷狂章童律用效命豈以翁
仲矜侏儒惜乎諸家漏收入賁鏞播棄吹笙竽願
人夾紗打萬紙識我真本藏葫蘆陶陵舊鼎邈失
色宣和博古休披圖客言所貴不在是摩挲銅狄
徒區區李公灌口有祠宇年年放堰官吏趨椒漿

華三十一 金石

三

莫罷神影醉二郎一曲歌柯巫好昇此器納王廟
颺旗擊鼓庭飛鳥我以蜀人候五亥七橋歷歷應
斗樞神呵鬼護作雄鎮遠勝帝懸紅桃符誓水碑
銘况屹立支祁伏鎖老蹇誅沐日浴月鎮江瀆城
郭不改如魚鳧但嫌寺僧不解事篆文宛轉金膏
塗四大海潮如毛孔浪說佛法愚癡奴散華飛絮
禮接引梵音繞殿旃檀鋪手書貝葉徧三藏何如
守此供臨摹

李昶愚公之牘大慈寺佛背文碣是唐篆

陳是正華陽雜俎大慈寺大銅像向稱接引佛曾
不知卽章臯所記之普賢像造自體源而建由章

氏者也所謂度宏規開正殿面西方鎮坤維者舍
此亦奚屬哉昔者湘綺先生日覽所及頗經拈出
求其言證不可得聞近曾華臣雖已肆諸歌詠顧
未嘗攷合之也今按造像法世尊遊化相亦爲彌
陀接引相凡造諸佛菩薩立像依之在容像則有
如來作滿月面菩薩作雞子面之分然據月滿毫
相之文則知通式一準尊儀不必疑矣永鎮云者
自是鎮壓水患之意故逕託名秦守正猶清涼山
眞武大鐵像衣袍上元符字寓鎮山林同一見意
云爾至於海眼之說成都相傳數處西當石筍南
則龍淵東卽此惟此最爲顯著左壓華陽之勝一

華三十一 金石

四

語儼然亦有所指者在杜老致嘆犀筍若此者殆
亦恍惚難明之事已

公乘伯喬等題名分書在漢石室今佚海內遞藏拓本見存
者歸浙江張氏

廣都公乘伯

喬曹守長卿

雷村雄三行系裝本行疑

洪适隸續卷二右公乘伯喬殘題名所存者一列

二人廣都及卿皆蜀郡之邑而所題者乃其字蓋
西州之殘碑也 卷十四右高朕石室題名與前

三段題字皆刻在梁楹石壁之間近歲好事者秉

燭入室而模之始傳於世蜀人多未知也所題前後不同時其一杜審公乘四人

按江刻極誤相此依字原正

其機漢隸字原碑目二百四十六高昞石室六題名成都府學禮殿刻於梁楹石壁間

葉奕苞金石錄補漢杜宣等題名石題名六在成都高昞石室中刻在梁楹石壁之上邑子何鴻近

自蜀歸云周公禮殿尙存未及揭諸碑也

顧藹吉隸辨碑攷上石室壁間題字又一段隸續

作高昞石室六題名杜審公乘諸人則如他碑題名乃共作石室者也 碑攷下公乘伯喬殘題名

無年月未詳所在

華三十一 金石

五

翁方綱兩漢金石記補遺之三公乘伯喬殘題名右殘題名隸書洪氏隸續云所存者一列二人今見雙鉤摹本乃作三行蓋是從舊裝成冊者摹得之故不著斷闕之迹耳又按婁氏字原所次漢碑之目悉依洪氏原次獨一百九十八無此種而有永元十六字不知何也 以上三種皆趙晉齋所藏舊拓本何夢華元錫重摹勒石實于南昌儒學齋廡予未見拓本僅就何君石本錄之

錢大昕潛研堂文集跋隸續公乘伯喬題名即高昞石室六題名之一故婁氏不列於目非婁有遺

也按沈氏已已跋稱錢

也竹江宮簾云者即此

孫星衍實宇訪碑錄廣都公乘伯喬殘題名八分

書無年月凡三行共十三字原石已佚何夢華手

摹刻于江西南昌縣學浙江仁和趙氏藏本

秦恩復隸韻碑目攷證公乘伯喬題名漢刻無年

月可攷 所引碑目存於今者公乘伯喬題名

嘉慶志金石石室壁間題字治南城內成都府學

蜀碑記補引顧氏碑考云凡三段又一段隸續作

高昞石室六題名按今俱無存

張廷濟清儀閣題跋公乘伯喬羅鳳墓闕永初官

鑿三文洪氏書皆載之此拓三紙仁和趙晉齋魏

竹庵盒物係顧南原藹吉舊藏乾隆五十三年戊

華三十一 金石

六

申季冬太原陽曲申兆定鐵蟾出金石小品十種畀錢唐何元錫夢華摹勒于南昌縣學此爲十種之三蓋申從趙鉤取故用鐵蟾雙鉤過之印也李遇孫金石學錄何元錫嗜金石收弄亦多又以漢刻公乘伯喬題名殘碑貞女羅鳳墓闕永初官鑿文三種重摹勒石實于南昌儒學齋廡原刻爲趙晉齋所藏今爲張叔未購得

沈樹鏞鄭齋題跋趙晉齋所藏漢刻三種世無二

本孫淵如觀察載入實宇訪碑錄予夢想十餘年

無從蹤迹前年在都門友人告予此物尙在人間

惟不知流轉何所耳今歲十月自都門回僑居蘇

城始訪得之既慶奇緣又償夙願歡喜無量按此同治戊辰

褚德彝金石學錄續補徐士愷所藏舊拓碑本有宋拓漢貞女羅鳳墓闕官塋文及禮殿題名爲宋拓孤本張鈞衡石類藏漢圉令趙君碑貞女羅鳳墓闕官塋文高昉石室題名殘字均宋拓孤本也

鄒安古石保守錄漢刻孤本三種吳興張石銘君藏

華陽雜俎石室墜刻十三字今在吳興張氏嘗取劉昉所收九字洪書兩卷所載以及蘇齋轉錄者

華三十一金石

七

就影本勘之除曹作昌雍作惟顯然別異二字其餘各字筆畫傳變尤多如都字斜畫判列爲二公字屈曲處從中豎起乘字中直不出頭喬字斜畫上不折曹字中間兩直郵字斜畫不斷而下垂村字兩平橫處但相齊而不通連上既不似井字下小字亦非三點也

嚴季男碑

分書原在綦江吹角垌今藏四川大學圖書館

建安六年八月丁丑朔廿二

首行

漢隸字原碑目三百八江州夷邑長盧豐碑建安

七年立蜀人謂之漢夜郎碑

王象之輿地紀勝南平軍碑記吹角壩古摩崖風

雨酸剝苔蘚侵蝕惟識其一二曰建安他不可辨在漆州堡去軍四十里建安漢獻帝年號姜維碑在吹角壩其始有一穴開內有碑相傳以爲姜維碑今已磨滅

隸辨碑攷下盧豐碑建安七年未詳所在盧君爲江州夷邑長今四川重慶府巴縣漢之江州也或卽在其地此碑集古金石二錄與隸釋隸續俱不載見字原碑目云蜀人謂之漢夜郎碑按此條蜀碑之未標所出

華三十一金石

八

者獲一二舊榻已珍如拱壁余嘗見有紀之者因錄存于後巴縣盧豐碑建安七年

鄭珍巢經巢詩鈔臘月廿二日遣子俞季弟之綦江吹角壩取漢盧豐碑石歌以送之洪興著錄漢碑二百七十六至今三十九在餘俱亡其中除側匪別刻實止廿八之石留滄桑後雖新增三十種已少叢錄四倍強我生嗜此屢長喟厪存增愛等鎮羊巢中諸拓購略具宜禾特溢翁與王前年怪事燕不得似有鬼守黃竹箱老知百榮不落手時時繙訂同炎涼猶嫌拓本非手跡安得貞翠卽置旁黔中且無宋人刻况願上此知難償故人趙子

鼎山下好事成癖人爭狂一朝有得過詫我漢刻
近出綦南鄉我思綦江漢江州此刻界在牂柯疆
婁說江州邑長盧豐碑蜀人謂之漢夜郎以官以
地並近似或即盧碑縈我腸又思於宋是爲南平
軍南平吹角兩刻紀自王東陽此刻正在吹角壩
地閱四代名猶彰疑卽所稱古摩厓聞其在穴又
疑更是伯約姜料量三者必屬一遣力椎取觀其
詳泐甚揭巖末從讀建安七年明首行次行盧字
又可辨謂必虛碑他莫當碑所土人號摩厓細詢
實異鄙與楊百尺深鑿石排疊端安斗狀陳中央
廣修高等尺六寸更有乳中前後方因知俗以嵌

華三十一 金石

九

巖作鐫壁其誤想不後李唐後來嵌修便穴置見
者道者增張皇南陽天水蜀所斃附會舊碣多乞
光建安或作建興認變本益遠傳益荒圖經信耳
不經目兩聞兩載原其常儀父斷未見揭本沿襲
趙志何由匡今碑首十一字極明紀勝云惟識建
安二字知所據是趙邁南平志也
我定三碑實此一石耳但爲僻遠成參商王得其
地婁得人兩家相較無短長委閱夷邨世莫識時
有野衲來焚香數年敲火已剝角不卽收拾愁毀
傷定武石易薛道祖熹平經攬龍圖張子雲俗楷
一蕭字尙有竭崖誇珍藏况茲隸古又完物蠻叟
豈足傳芬芳密呼健者受約束夜半移壑志已剛

昇竿三易乃三折千里往復徒羸糧未應神物戀
窮寶信坐人謀先不臧季也挺身願重往選夫繕
具籌策良是時風雪逼改歲滿邨門易甲冑裝誓
爲古人効鞭策肯逐兒女爭桃湯觀汝此行有膽
氣知取寶物如探囊婁關西去接安穩回首當年
皆戰場此行亦復用兵似貴速貴詐毋周章匱包
席裏計還路歲盡應呼蒙渡航人日前後上梅圯
聽爾邪邪許許趨山堂

華三十一 金石

十

趙之謙補寰宇訪碑錄吹角壩摩厓八分書建安
六年二月丁丑朔廿二日石歸遵義鄭珍辨爲建
安七年盧豐碑今審拓本石係斷闕且首行明是
六年次行有嚴季男名六行有以災致祀字必非
盧碑仍依王象之輿地碑目書此四川綦江
楊鐸函青閣金石記漢吹角壩摩厓題字右題字
八行八分書在四川綦江縣劉燕庭方伯在蜀時
訪得之今觀拓本漫漶殊甚末行可辨者尙有于
今二字石因斷缺卽七行八行尙未敢遽定既是
摩厓何以石歸遵義豈鑿而取去耶

張德容二銘草堂金石聚右漢吹角壩殘刻拓本
高一尺七寸廣一尺六寸在綦江縣此碑前人皆
未經著錄王氏似亦得之傳聞今拓本可辨者計
八行六十二字惟首尾二行尙可讀餘皆不復成

文後漢書建安六年僅書三月朔日食餘無他事
考華陽國志初平元年征東中郎將安漢趙穎建
議分巴爲二郡穎欲得巴舊名故白益州牧劉璋
以墊江以上爲巴郡江南屬義爲太守治安漢以
江州至臨江爲永甯郡胸忍至魚腹爲固陵郡建
安六年魚腹蹇允白璋爭巴名璋乃改永甯爲巴
郡以固陵爲巴東徙義爲巴西太守是爲三巴是
刻有設兵掾等語又有西川牧之稱後有乃以文
藝禮教分表云云又云嘉此永列於今似卽敘分
三巴之事而頌其德政者綦江爲當時永甯郡地
豈卽蹇允等之所爲歟

華三十一 金石

十一

譚獻復堂日記金石聚十六卷衡州張德容松屏
鈎刻漢魏六朝拓本攷釋文字亦頗精宋學識中
下未云詣極張君以景君碑筆鋒如折刀爲精鑒
所撫古蹟取平方之執入紙間入鐵側古來渾穆
適厚之法殆盡亦可云妄作人言太守於近世所
出如吹角壩沙南侯諸刻皆以意增入不可見之
字以爲欺炫未免心勞日拙之謂

章壽康式訓堂碑目盧豐碑八分書建安七年四
川成都

繆荃孫藝風堂金石文字目嚴季男殘碑分書建
安六年二月丁丑朔廿二日案是刻見輿地紀畧

張孝達師督學日自綦江吹角壩移置成都試院
葉昌熾語石貴州至前明始建行省漢盧豐碑
角壩之外不獨無隋唐名跡卽宋元兩朝亦無一
字可著錄此則限於地也 貴州古夜郎地紅崖
一石荒遠難稽此外惟吹角壩摩崖趙撫叔續訪
碑錄釋爲建安六年二月丁丑朔廿二日在四川
綦江縣遵義鄭子尹徙其石至郡作長歌以張之
有云黔中且無宋元刻况願上此知難償又云我
思綦江漢江州此刻界在牂柯疊蓋據以爲黔有
矣竊謂綦江之南本與黔犬牙相接同爲漢牂柯
地黔無片刻姑如巢經之說段此一石分鄰火之

華三十一 金石

十二

餘光亦好事者所樂聞也 琴亭靈第卽誌墓之
濫觴角壩摩崖亦鑿山之遺跡

華陽雜俎建安殘刻原在綦江久憑爲壇神之祀
鄭子尹嘗使人往簒之會歲暮有事於慶壇噪而
逐之石未果達望山堂也此余聞之莫省敝蓋咸
豐己酉年事後二十餘年張文襄輜軒所經乃昇
至成都嵌列冷風廊壁東洲先生先置灌縣一石
之次昔在京收得一本猶是劉燕庭舊拓亦惟首
行建安六年八月丁丑朔廿二十一字最明餘多
不甚可辨諸家所釋殊未能盡信也

漢殘碑分書
石出灌縣青城山移存學使院今屬工業學校

懷君首行二字冷風

何紹基東洲草堂詩註冷風廊者於灌縣得古八分書斷碑持歸新廊下中有冷風二字因以名其廊也

藝風堂金石文字目懷君碑殘石分書年月缺案此碑泐甚以碑首二字標題何子貞督蜀學自灌縣青城山移置成都試院

華陽雜俎漢殘碑咸豐甲寅東洲先生使車過灌獲之青城還嵌院壁嘗取碑中字題其廊曰冷風去蜀詩所謂退食冷風廊下步者是也見東洲草堂詩鈔俗訛呼冷風碑剝泐已甚至難辨跟肘除

華三十一金石

十三

XO

此二字及首之懷君字既竭目力增釋無多

漢諸葛武侯銅鼓

武侯征南蠻渡瀘時軍中造也蓋即古刁斗之製

晝炊飯食夜擊持行者鼓何字度益部談資諸葛

而中東下則做口大約若今槍斗之例置也而面有

四水獸四周有細花文其色不甚碧綠擊之彭彭

有聲如鼓云置於今祠殿有三面雖非舊物當是

夷人所仿宛平查布政禮昔得是鼓喜以名堂張

文襄公先人守滇時亦得是鼓謂平生清酒一鐘

不飲獨受降夷此物公會為詩紀之且曰夷俗擅

一為富擅十為會豪即夷鼓亦自重矣詩見廣雅

碎金茲不備錄

劉猛進墓銘

正書 廣州出土華陽王氏所藏

前陳散騎侍郎劉府君墓銘并序

君諱猛進字威彭城綏興里人漢楚元王文之後也
肇洪源於陶唐顯著姓以季高十尺八綵之德指草屈
莖之瑞大小盈縮之祥虹胎孕亡兮戎刃之災天福
所持豈有鴈門之難斯乃玄祐之徵非嚙夫能測應感
之妙理也祖曉少集經學士藉俱服內解茲自丹府水
辯出乎情舍仁德虞翻未竝孝悌孟昶豈儔志性恬
澹然寡口窮搜五典極研十教守慈虛靜畢願生年不
尚世榮垢焉祿位遂以先基景業罕得自潛三辟六獄
諸職亡請乃以梁天監二年癸未七月廿五日除通直

華三十一金石

十四

XO

散騎常侍寧遠將軍桂陽太守莅三稔獸知報澤禽

識人思霍顯之謀不行於杯杓荆珂之變帷幄興害

蠶亡蹤烏徒潛影木生連里映秀嘉榮巷出葳蕤衢舒

紫允權謳溢陌祺誦盈阡僉簡麻徵如從海運耆少輟

寢氓更路眠寐甚喪親悲深逝子長幼相携俱趑象魏

請以永留長為氓父天從民欲抑守桂邛遂經九載乃

值辰佐并六三禍集薨于桂陽之任庶民斬經悲痛

喪親父仕以太清元年丁卯七月十六日除邵陵王

常侍宣達將軍正階縣令承聖三年甲戌八月十七日

除洪烈將軍始昌縣令永寧二年戊寅十月廿五日除

武毅將軍隔善縣令是乃業運所鍾值龍潛鳳隱九五

之應未寧七旬之末猶變壽選去本天道上升經維締
絕人倫失統選司廢序天府輟徵辟簡既淪皇符罷記
遂爵杪位微絕生平之念牛衣不口衮輔陳罕絨印挂
冠息丹穉之踐金劉雖歎不愧魚鴈龍崗見疵猶堪剖
驥選焉侍郎亂逢梁季荻遇分崩鋒刃爲仁戈鈇以義
手持干楯身帶韃弓甘心旗旆之先慕志旌麾之首望
番取吸咄開羽非人決江潰口嘏賀齊不勇齡方二九
壯氣始隆乃屬陳祚龍興神州金屋偃甲息戈儀秦之
志便潛脫胄解韜周魯之權仍沒韓功樊爵罷翼匪布
王李深勞永焉亡缺去武隲文而叅清緒以陳大建四
年壬辰十月廿七日除散騎侍郎并解巾之口判麟之

華三十一 金石

十五

刃用枋鳩雖甲士屈躬拊後丙位一生林口掩氣蓬閭
決命家園不欣冠冕大隋啓業天運淪變開洛邈遐弥
淪所覬大荒之歲建酉之月瘕瘵忽增奄後殯檀春秋
五十有五文武之氣既窮仁弭之行仍卒卽以其年建
子之月三日丙寅窆乎南海郡西北朝亭東一里半境
向良宮殿名甲寅之墓山則盤騰宛引迴首坎鄉左右
相携前迎後送平陵坦蕩來涼吹而進溫風明庶蕭條
凱栗颺颺慈兒万慟竟隨霧而不隔悌子億悲鬼同雲
而永去哀予傷予乃爲銘曰

羨乎元族厥商彭徐膺靈啓業東璽神書傳符永代獨
擅邛除先祖氓主末葉斯多可傷黔宅口愧皇墟古今

乃異盈長空無端狀上紀凡狹闊愚昔食九土今亡口
居牙荏唯守所宰唯今五等相仍無期九命欽咨報騎
冰潔瑤輝州里崇仁朝敦君子德焉沮溺行儕王李文
秀長御武該樊杞獻祇孔威林茅蒞士天祿殲淪歸馬
窄里歲久月長靡言迴紀

葉昌熾奇觚廬文集劉猛進墓銘跋前陳散騎侍
郎劉府君墓銘廣州新出土辛亥國變王雪徵廉
訪攜以壓海舶載至滬癸丑客次出打本一通見
餉其石分兩面刻面各十六行行三十一字字小
而道密與甯贊碑文字如出一家但有奪字並多
省筆豈牙難讀按文云猛進彭城綏興里人楚元

華三十一 金石

十六

王文之後文字自爲交之駁文彭城雖通爲郡望
然攷梁書諸劉劉孝綽劉苞劉慧斐諸傳云彭城
人也而劉孺傳則云彭城安上里人此銘旣書郡
又書里書法正與孺傳同蓋自其祖父宦轍由郢
而越遭世多難乖首邱之願詳書里貫不忘先河
之義也自起家以逮除授備書年月日此他志石
所無者祖曉以梁天監二年癸未七月廿五日除
通直散騎常侍寧遠將軍桂陽太守其下云遂經
九載值辰作殯集苑於桂陽之任以甲子推之梁
武帝天監十一年歲在壬辰其卒年也桂陽爲隋
之郴州攷之隋書地理志桂陽郡平陳置郴州大

業初復置郡梁書武帝紀帝卽位追封弟融爲桂陽郡王又桂陽嗣王象傳叔父融無子天監元年以象爲嗣襲封曉守郡卽在其後一年如志所言在任九年不爲不久民安其政去而見恩錄其循良良非溢美而姚察不登於良吏非有此石曷補史闕六朝軍號猶唐宋之有散階統施於文武據隋書百官志梁初奏置一百二十五號將軍共二十四班以班多爲貴此銘寧遠宣遠洪烈武毅共四號寧遠爲十三班武毅爲六班初無宣遠其後更加刊正大通三年移寧遠別爲一班遂增宣遠振遠等號武毅亦列爲十武之一號威武猛壯等號號有十字

華三十一 金石

十七

各爲一班均非舊制矣惟無洪烈梁陳之間江表鼎沸置君置官皆如奕棋朝令者夕或改宜史之不詳也父仕口仕下一字泐以太清元年七月十六日除邵陵王常侍正階縣令邵陵王武帝子綸也正階隋之始興縣隋書地理志始興下註云齊曰正階梁改名焉以據此志正階之名梁沿齊舊太清之前初未嘗改大寶以後救亡不暇隋志所言殆未可信銘又云承聖三年甲戌八月十七日除始昌縣令永定二年戊寅十月廿五日除歸善縣令承聖尚在梁末永定已入陳初始昌隋并入四會歸善帶龍川郡均見地志卽今惠州也猛進以太建

四年壬辰十月廿七日除散騎侍郎綜厥生平毗逢梁季孩遇分崩臺城江陵之難也歲丑之災當謂歐陽紇之叛隋初韋洸度嶺卽陳亡之歲是歲值己酉非丑也蕭穀蕭勃兩次兵禍攻其時更參差不合按陳書歐陽頠傳子紇都督交廣等十九州諸軍事廣州刺史久在南服高宗太建元年下詔徵紇紇懼舉兵戰敗伏誅又按廢帝紀慈訓太后詔書數帝罪有云別敕歐陽紇等攻逼衡州嶺表紛紜光大之末太建初元正當子丑之際嶺外兵興越民塗炭非其時乎此志所謂災也其歿在大荒之歲建酉之月釋天太歲在巳曰大荒落隋

華三十一 金石

十八

高祖開皇五年值乙巳其時尙未平陳嶺外州郡非隋有志文不當稱大隋自當爲十七年丁巳無疑者梁陳皆書紀元而於隋年獨變文書甲子陳亡未久喬木世家猶有故君故國之思旣曰決命家園不欣冠冕言乎其不爲隋臣也又曰開路遡遐彌淪所覬言乎其尙非隋土也篇中雖曰大隋標題特書前陳其義尤微而可見不先不後出於滄桑之交千載之下摩挲貞石有同感焉陳祚不永又嚴碑禁海內石刻希見著錄此石在甯贊碑前雖爲隋刻未忘陳志巍然片碣不與光大定界碑同爲環寶也哉 又按其文此物連類固見

此從辛酉問
自刊定本

華三十一 金石

十九

當時風氣然有難於索解者即如雁門牛哀未爲
僻典而其意則不可得詳也剗麟之刃用枹鳩雛
自是牛刀割雞之義然猛進實未嘗從政甲士丙
位甲丙當第其高下言位不副才也望禰取吸禰
俗幡字吸當爲首級之級此用關侯白馬斬顏良
事傳所謂望見良麾蓋策馬刺良於萬眾之中是
也非人非勇人仁同字論語仁者必有勇反文以
見義屈莖之莖或是莖此四句述降生之祥然則
屈莖猶言屈軼嘉禾增艸紫莖去艸皆俗字祺誦
與權謳對文或以同音或借祺爲祈此類非一略
舉其隅其所未詳不敢曲說按原賦附載入顧氏
石言字句有不同處

范壽銘循圓金石跋尾右誌兩面刻陽面十七行

陰面十六行每行三十一字近年廣東廉州出土

爲仁和王雪澄廉訪秉恩所藏余輾轉求得拓本

石雖不甚磨泐而文旣詰屈字多舛誤逐字斟識

略可卒讀按誌稱猛進彭城綏輿里人漢楚王交

之後誌文輿記作
與交訛作交元和姓纂劉姓彭城侯下云漢

高弟楚元王交生休侯富富生辟強辟強生陽城

侯德德生向向生歆子孫居彭城分居三里叢亭

綏輿安上里又云綏輿里宋武帝所承是猛進尚

爲宋氏之宗室而誌中曾未敘及僅有先基景業

華三十一 金石

二十

罕得自潛之語豈當時因禪代之際諱稱前朝之
宗屬乎猛進之祖名曉任桂陽太守前後十一載
被徵則長幼相攜趨象魏以請留薨後則庶民斬
經若傷親之悲痛此必有特殊之治績而梁書良
吏傳曾未及之蓋南荒遼遠表章無人殊可惜也
誌文有霍顯之謀不行於桂陽之變帷帳口
興害黃亡蹤鳥迹潛影等語似桂陽有變而劉曉
定之於猛進之父仕口以太清元年七月除邵陵
王常侍宣遠將軍正階縣令按梁書邵陵王綸傳
天監十三年封邵陵郡王中大同元年出爲鎮東
將軍南徐州刺史太清二年進位中衛將軍開府
儀同三司是仕口之除常侍正在邵陵王綸爲南
徐州刺史時隋書地理志南徐郡始興縣齊曰正
階梁改名焉洪繭孫補梁疆域志云始興沈志吳
立梁移治正階縣一統志案齊志始興郡有令階
縣梁書邵陵王綸傳子確大同二年封正階侯隋
志始興齊曰正階梁改名當是齊置令階尋改正
階梁大同後始移始興縣來治也今誌稱劉仕口
於太清元年爲正階令是始興移治當在太清以
後此足爲洪氏之說左證矣太平寰宇記始興縣
始興縣梁於此置安遠郡西志又稱承聖二年八
七里蕭齊正階故縣城存誌又稱承聖二年八
月除洪烈將軍始昌縣令永定二年十月除武毅
將軍歸善縣令按始昌屬樂昌郡今廣東肇慶府